

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" 208/24 dhe 16/25), dhe duke vepruar sipas njoftimit për përqendrim të parashtruar nga shoqëria Elemental.TV EOOD me seli të regjistruar në rr. Ovçe Pole nr.122, kati i katërt, zyra EMC2, Sofje, R. Bullgari, dorëzuar përmes Lupka Noveska Andonova, avokate nga Shkupi, në seancën e mbajtur më datë 01.08.2025, mori këtë:

AKTVENDIM

1. Konstatohet se përqendrimi që i referohet marrjes së kontrollit të pavarur nga ana e Elemental.TV EOOD me seli të regjistruar në adresën Ovçe Pole nr. 122, kati i katërt, zyra EMC2, Sofje, Republika e Bullgarisë, mbi biznesin e synuar që përbëhet nga kontratat e TVizio, baza e të dhënave të klientëve dhe pasuria e TVizio nga shoqëria TVizio BG EOOD me seli në adresën Vitosha, nr. 32 Bul. Aleksandar Pushkin, kati i tretë, apartamenti 14, Sofje, Republika e Bullgarisë, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve, dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.

2. Detyrohet parashtruesi i njoftimit për përqendrim të paguajë taksë administrative për njoftimin për përqendrim në shumë prej 6.000,00 den. dhe për aktvendimin në shumë prej 30.000,00 den., sipas numrit tarifar 34 të Ligjit për Taksat Administrative ("Gazeta Zyrtare e Republikës së Maqedonisë" nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe "Gazeta Zyrtare e Republikës së Maqedonisë së Veriut" nr. 151/21) në llogarinë e Buxhetit të Republikës së Maqedonisë nr. 100000000063095, llogaria për pagesë 840...03161, kodi i të ardhurave dhe programi 72231300.

3. Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 24.06.2025, dhe i plotësuar më datë 04.07.2025 dhe 14.07.2025, pranë Komisionit për Mbrojtjen e Konkurrencës (në tekstin e mëtejshëm: Komisioni), u dorëzua një njoftim për përqendrim nga ana e Elemental.TV EOOD me seli të regjistruar në adresën Ovçe Pole nr. 122, kati i katërt, zyra EMC2, Sofje, Republika e Bullgarisë dhe TVizio BG EOOD me seli në adresën Vitosha, nr. 32 Bul. Aleksandar Pushkin, kati i tretë, apartamenti 14, Sofje, Republika e Bullgarisë, me të cilin Elemental.TV EOOD do të marrë kontroll të pavarur mbi biznesin e synuar që përbëhet nga kontratat e TVizio, baza e të dhënave të klientëve dhe pasuria e TVizio nga shoqëria TVizio BG EOOD.

Komisioni filloi shqyrtimin e Njoftimit në ditën e pranimi të tij dhe në bazë të të dhënave të dorëzuara në Njoftimin për përqendrim, plotësimin dhe shtojcat e tij, konstatoi sa vijon:

Aktivitetet themelore të biznesit të ndërmarrjeve të përfshira:

-Elemental.TV EOOD është një distributor i përmbajtjeve mediatike përmes platformave OTT nga Sofja, Bullgari. Programet televizive online që distribuon Elemental.TV janë kryesisht të destinuara për përdoruesit në Republikën e Bullgarisë.

Elemental.TV është në pronësi përfundimtare të fondeve të këshilluara nga BC Partners, një fond ndërkombëtar investimesh me seli në Londër. Fondet e BC janë ekskluzivisht investitorë financiarë, d.m.th. nuk janë të përfshirë në menaxhimin e përditshëm të kompanive në të cilat investojnë, të cilat menaxhohen nga bordet e tyre të drejtorëve.

Në Maqedoninë e Veriut, BC Partners është aktiv përmes shoqërive të varura indirekte në vijim:

-DIRECT MEDIA SHPKNJP Shkup me seli të regjistruar në Kosta Veselinov nr. 5-1 lokali 2/Shkup – Qendër, Maqedonia e Veriut, e cila merret me veprimtari të agjencive të marketingut dhe

-UGI FIBER SHPKNJP Shkup me seli të regjistruar në bul. Partizanski Odredi nr. 14, Shkup – Qendër, e cila merret me veprimtari të telekomunikacionit satelitor.

Gjithashtu, në territorin e Maqedonisë së Veriut, BC Partners, përmes United Group, janë të pranishëm me ofrimin e shërbimeve të mëposhtme:

kanale televizive që transmetohen nga persona të lidhur, respektivisht ritransmetohen nga operatorë lokalë, duke përfshirë N1, Grand, Cinemania, Sport Klub, Fight Channel, Pikaboo, Vavoom, IDJTV, Lov i Ribolov, Brainz, Nova S etj. (United Media);

-shërbime reklamimi (Direct Media, Cas Media);

-shërbime telekomunikacioni (të ardhura minimale në tregun lokal realizon Telemach d.o.o. Ljubljana).

Biznesi i synuar (**TVizio BG EOOD**) përfshin një platformë digjitale që funksionon përmes faqes së internetit www.tvizio.bg и www.bgtv-on.com, si dhe aplikacionet përkatëse mobile për sistemet operative Android dhe iOS. Platformat OTT u mundësojnë përdoruesve qasje në përmbajtje digjitale në formë të përmbajtjeve audio-vizuale dhe mediatike të tjera, duke përfshirë, por pa u kufizuar në, programe radio dhe televizive.

TVizio BG EOOD nuk ka shoqëri të varura në Maqedoninë e Veriut dhe në vitin e kaluar nuk ka realizuar të ardhura në Maqedoninë e Veriut.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të,

sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

**KOMISIONI PËR MBROJTJEN E KONKURRENCËS
KRYETARE**

Mr. Малинка Силјановска Николиќ